



Bosnia and Herzegovina  
Federation of Bosnia and Herzegovina

**CANTON SARAJEVO**  
**Government**

Broj: 02-05-12335-18/19  
Sarajevo, 22.03.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi Prečišćeni tekst i 37/14 - Ispravka) i člana 7. Odluke o osnivanju skupština javnih preduzeća čiji je osnivač Kanton Sarajevo („Službene novine Kantona Sarajevo“, broj: 25/09, 22/11, 1/13 i 21/14), Vlada Kantona Sarajevo na **14. vanrednoj** sjednici održanoj **22.03.2019.** godine, donijela je sljedeći

## ZAKLJUČAK

1. Daje se saglasnost za razrješenje predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo, i to:
  1. Muamer Kosovac, predsjednik Skupštine,
  2. Sedin Kozadra, član Skupštine,
  3. Faruk Šahbegović, član Skupštine.
2. Utvrđuje se Prijedlog odluke o potvrđivanju razrješenja predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo.
3. Predlaže se Skupštini Kantona Sarajevo da u skladu sa Poslovníkom Skupštine Kantona Sarajevo, donese Odluku iz tačke 2. ovog Zaključka.

**PREMIJER**  
**Edin Forto**

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo komunalne privrede i infrastrukture
5. KJKP „Vodovod i kanalizacija” d.o.o. Sarajevo
6. Razriješeni 3 x ( putem Ministarstvo komunalne privrede i infrastrukture)
7. Evidencija
8. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo na \_\_\_\_\_ sjednici održanoj \_\_\_\_\_ 2019. godine, donosi

## **PRIJEDLOG**

### **ODLUKU**

o potvrđivanju razrješenja predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo

#### **I**

Ovom odlukom potvrđuje se razrješenje predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (u daljem tekstu: Skupština Preduzeća), i to:

1. Muamer Kosovac, predsjednik Skupštine
2. Sedin Kozadra, član Skupštine
3. Faruk Šahbegović, član Skupštine

#### **II**

Ova odluka stupa na snagu danom donošenja, a objavit će se u "Službenim novinama Kantona Sarajevo".

**Predsjedavajući  
Skupštine Kantona Sarajevo**

**Elmedin Konaković**

Broj: /19  
Sarajevo, 2019. godine

## **O b r a z l o ž e n j e**

### **PRAVNI OSNOV:**

Pravni osnov za donošenje ove odluke sadržan je u odredbama člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17) i člana 7. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14)

### **RAZLOZI DONOŠENJA:**

Skupština Kantona Sarajevo je na sjednici održanoj dana 20.12.2017.godine u skladu sa članom 3. Odluke o osnivanju skupštine javnih preduzeća čiji je osnivač Kanton Sarajevo („Službene novine Kantona Sarajevo“, br. 25/09, 22/11, 1/13 i 21/14 donijela Odluku o potvrđivanju imenovanja predsjednika i članova skupštine Kantonalnog javnog komunalnog preduzeća „Rad“ d.o.o. Sarajevo.


Dana 19.03.2019. godine predsjednik i članovi Skupštine KJKP „Vodovod i kanalizacija“ d.o.o. Sarajevo dostavili su Skupštini i Vladi Kantona Sarajevo kao i resornom Ministarstvu komunalne privrede i infrastrukture neopozivu ostavku na poziciju predsjednika i članova Skupštine Preduzeća, iz razloga lične prirode.

Članom 7. Odluke o osnivanju skupštine javnih preduzeća čiji je osnivač Kanton Sarajevo propisano je da se razrješenje predsjednika i članova skupština javnih preduzeća vrši na način propisan u članu 3. ove Odluke, a proceduru razrješenja mogu pokrenuti resorni ministar, Vlada i Skupština Kantona Sarajevo.

Shodno naprijed navedenom, a u skladu sa odredbama člana 7. Odluke o osnivanju skupštine javnih preduzeća čiji je osnivač Kanton Sarajevo, predlažemo donošenje odluke kako je predloženo u materijalu.

Muamer Kosovac, predsjednik Skupštine KJKP "Vodovod i kanalizacija"  
Sedin Kozadra, član Skupštine KJKP "Vodovod i kanalizacija" d.o.o.  
Faruk Šahbegović, član Skupštine KJKP "Vodovod i kanalizacija" d.o.o.

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
Vlada Kantona Sarajevo



n/r Predsjedavajući Skupštine KS  
n/r Premijer Vlade KS  
n/r Ministar Komunalne privrede KS

**PREDMET: Neopoziva ostavka na mjesto predsjednika i članova Skupštine preduzeća KJKP „Vodovod i kanalizacija“ d.o.o. Sarajevo**

Odlukom Skupštine Kantona Sarajevo broj: 01-05-36598/17 od 20.12.2017. godine imenovani smo na mjesto predsjednika i članova skupštine KJKP "Vodovod i kanalizacija" d.o.o. Sarajevo. Preuzimanjem ove dužnosti, preuzeli smo veliku odgovornost i obavezu kako prema građanima ovog grada, tako i prema Skupštini Kantona Sarajevo koja nas je jednoglasno izabrala, dok je za nas ovo imenovanje pored ogromne odgovornosti predstavljalo i test naše sposobnosti, etičnosti i moralnosti koju smo trebali dokazivati u izuzetno teškom periodu poslovanja KJKP "Vodovod i kanalizacija" d.o.o. Sarajevo.

Tokom svog mandata posao smo obavljali profesionalno, radeći najbolje što znamo, isključivo u interesu građana Kantona Sarajevo, koji su zaslužili bolje i više, a nikako u interesu bilo koje političke opcije, jer smo kao profesionalci i postavljeni na ova mjesta.

Dok nas je većina smatrala osobama koji se upustili u nemoguću misiju, mi smo još uvijek vjerovali u sebe i institucije sistema, te tako jedan od najtežih perioda za građane ovog grada, kada se Sarajevo susrelo sa najvećim problemom u vodosnabdjevanju poslije rata, kao jedini glavni grad u Evropi koji ima redukcije vode, period kada su građani Sarajeva iskazivali nezadovoljstvo spontanim okupljanjima, pretvorili u pozitivnu priču, jer smo sa upravljačkim strukturama preduzeća uspjeli normalizirati vodosnabdjevanje, što smo uspjeli održati do danas. Ovakve rezultate u veoma kratkom roku uspjeli smo postići predanim radom i uz potpunu posvećenost problemima preduzeća, nastojeći kao jedna od rijetkih skupština preduzeća ući u svaki segment poslovanja, običi organizacione dijelove preduzeća, razgovarati s radnicima na terenu, od izvorišta, preko pogona za distribuciju do uprave, kako bi zaista uvidjeli da li imamo vode ili je problem u organizaciji ili distribuciji. Ovo je bio jedini način da se napravi iskorak u poslovanju preduzeća, odnosno da se utvrde količine dotoka vode, odnosno procjene količine vode koje su potrebne da bi ovaj grad imao nesmetano i kontinuirano snabdjevanje. Konstatujući da Kanton Sarajevo sa postojećih izvorišta ima dovoljne količine vode, te da su problemi u upravljanju sistemom, dotrajalošću infrastrukture i velikim gubicima (oko 75%), usmjerili su rad Skupštine u drugom smjeru koji se ogledao u insistiranju da se evidentiraju svi kvarovi, te da se isti planski i sistematski otklanjaju, a da se broj ekipa za otklanjanje kvarova sa tri postojeće znatno uveća, jer postojeće ekipe nisu mogle odgovoriti zadatku.

Tokom evaluacije poslovanja preduzeća preuzeli smo na stotine stranica dokumentacije koja se odnosi na finansijsko poslovanje, te istu analizirali želeći da dođemo do najboljih rezultata, a koliko smo uspjeli govori podatak da je preduzeće od kraja 2017. godine do danas obezbjedilo kontinuitet u vodosnadbjevanju, da se NRW projekat uspješno realizuje, da je preduzeće u 2018. godini smanjilo gubitak u poslovanju u odnosu na 2017. godinu, iako su ulaganja zbog NRW projekta znatno povećana u 2018. godini, te da je uspostavljen kontinuitetu u otklanjanju kvarova. Sva naša nastojanja u proteklom periodu možemo sagledati kroz činjenicu da je preduzeće prije imenovanja ove Skupštine imalo noćne i dnevne redukcije, dok se u sistem sa izvorišta “upuštalo” cca 3200 l/s vode, dok danas Kanton Sarajevo nema redukcija vode, a u sistem sa sa izvorišta “upušta” cca 2800 l/s.

Pored navedenog je neophodno da konstatujemo da su ovi pomaci u poslovanju napravljeni uz podršku vas zastupnika Skupštine Kantona Sarajevo, kontinuiranu pomoć Vlade Kantona Sarajevo, te uz pomoć svih upravljačkih struktura i radnika KJKP “Vodovod i kanalizacija” d.o.o. Sarajevo.

Većina nas, građana Kantona Sarajeva, smatramo da su problemi riješeni ukidanjem redukcija, jer je to ono što je vidljivo, ali smo mišljenja da tek u narednom periodu predstoji pravi izazov koji se odnosi na organizacijsko restrukturiranje, izmjene i sanacija vodovodne mreže, finansijska konsolidacija firme koja već duži period posluje sa gubitkom i „bolni rezovi“ koji su neophodni da bi se cjelokupan sistem konsolidovao i postao samoodrživ. U tom smislu neophodno je zahtjevati puni angažman svih uposlenih, segmentalnu odgovornost za preuzete obaveze, uz kontinuirano nalaganje mjera neophodnih za stabilizaciju preduzeća (kao što su neke od mjera koje je Skupština preduzeća naložila Upravi kroz donošenje odluke o pokriću gubitka) i insistiranje na realizaciji istih.

Kao Skupština preduzeća KJKP “Vodovod i kanalizacija” d.o.o. Sarajevo u navedenom periodu nastojali smo raditi krajnje odgovorno, korektno, profesionalno, transparentno i zakonski utemeljeno, uz puno uvažavanje naloga, prijedloga i sugestija osnivača.

Na kraju uz zahvalnost na ukazanom povjerenju i saradnji zastupnicima Skupštine Kantona Sarajevo, Vladi Kantona Sarajevo, naleznom Ministarstvu i upravljačkim strukturama i uposlenicima KJKP “Vodovod i kanalizacija” d.o.o. Sarajevo, **podnosimo neopozivu ostavku na mjesto predsjednika i članova Skupštine KJKP „Vodovod i kanalizacija“ d.o.o. Sarajevo iz isključivo ličnih razloga, te molimo da nas razriješite dužnosti na narednoj sjednici Skupštine Kantona Sarajevo.**

S poštovanjem!

Mr.sci.oec. Muamer Kosovac, predsjednik Skupštine



Sedin Kozadra, dipl.oec.član Skupštine



Faruk Šahbegović, MA, član Skupštine



Sarajevo,19.03.2019.godine.



Na osnovu člana 18. tačka m) Ustava Kantona Sarajevo ("Službene novine Kantona Sarajevo", br.: 1/96, 2/96, 3/96, 16/97, 14/00, 4/01, 28/04, 6/13 i 31/17), člana 12. Zakona o ministarskim, vladinim i drugi imenovanjima Federacije Bosne i Hercegovine („Službene novine Federacije BiH", br.: 12/03, 34/03 i 65/13) i člana 3. Odluke o osnivanju skupština javnih preduzeća čiji je osnivač Kanton Sarajevo, ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo na sjednici održanoj dana 20.12.2017. godine, donijela je

## O D L U K U

o potvrđivanju imenovanja predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo

### I

Ovom Odlukom potvrđuje se imenovanje predsjednika i dva člana Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (u daljem tekstu: Skupština Preduzeća), i to:

1. Muamer Kosovac, predsjednik Skupštine
2. Faruk Šahbegović, član Skupštine
3. Sedin Kozadra, član Skupštine

### II

Predsjednik i članovi Skupštine iz tačke I ove Odluke imenuju se na period od dvije (2) godine.

### III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj:01-05-36598/17  
20.12.2017.godine  
SARAJEVO



PREDSJEDATELJICA  
SKUPŠTINE KANTONA SARAJEVO

Prof. Ana [REDACTED]



Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

## ODLUKU

### O OSNIVANJU SKUPŠTINA JAVNIH PREDUZEĆA ČIJI JE OSNIVAČ KANTON SARAJEVO

#### Član 1. (Predmet Odluke)

Ovom Odlukom Kanton Sarajevo, kao osnivač kantonalnih javnih preduzeća, utvrđuje način imenovanja, sastav i način rada skupština i broj članova nadzornih odbora javnih preduzeća čiji je osnivač, i to:

1. Kantonalno javno komunalno preduzeće "VODOVOD I KANALIZACIJA" d.o.o.
2. Kantonalno javno komunalno preduzeće "TOPLANE- SARAJEVO" d.o.o. Sarajevo;
3. Kantonalno javno komunalno preduzeće za snabdijevanje prirodnim gasom "Sarajevogas" d.o.o. Sarajevo;
4. Kantonalno javno komunalno preduzeće "RAD" d.o.o. Sarajevo;
5. Kantonalno javno komunalno preduzeće "PARK" d.o.o. Sarajevo;
6. Kantonalno javno komunalno preduzeće za sahrane i upravljanje grobljem "POKOP" d.o.o. Sarajevo;
7. Kantonalno javno komunalno preduzeće "TRŽNICE- PIJACE", d.o.o. Sarajevo;
8. Kantonalno javno komunalno preduzeće "GRADSKI SAOBRAĆAJ", d.o.o. Sarajevo;
9. Javno preduzeće "Televizija Kantona Sarajevo", Društvo sa ograničenom odgovornošću Sarajevo;
10. Kantonalno javno preduzeće "ZOI 84" OLIMPIJSKI CENTAR SARAJEVO, Društvo sa ograničenom odgovornošću Sarajevo;
11. Kantonalno javno preduzeće "Veterinarska stanica Sarajevo" d.o.o. Sarajevo;
12. Kantonalno javno preduzeće za gospodarenje državnim šumama "Sarajevo-šume" d.o.o. Sarajevo;
13. Kantonalno javno preduzeće "Poljoprivredno dobro Butmir" d.o.o. Sarajevo-Ilidža;
14. Kantonalno javno preduzeće Centar "Skenderija" d.o.o. Sarajevo (u daljnjem tekstu: KJP).

#### Član 2. (Skupštine KJP)

(1) Svako KJP iz prethodnog člana ima skupštinu, koja se sastoji od predsjednika i dva člana (u daljnjem tekstu: Skupština KJP).

(2) Mandat članova Skupštine KJP je dvije godine.

(3) Predsjednik i članovi Skupštine KJP imaju pravo na naknadu za svoj rad, koja se utvrđuje posebnom odlukom Vlade Kantona Sarajevo.

#### Član 3.

(Imenovanje predsjednika i članova Skupštine KJP)

(1) Imenovanje predsjednika i članova Skupštine KJP vrši se na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

#### Član 4.

(Procedura imenovanja)

(1) Odluke o kriterijima za imenovanje predsjednika i članova skupština KJP donosi Vlada Kantona Sarajevo, u roku od 15 dana od dana donošenja ove Odluke.

(2) Proceduru imenovanja Skupštine KJP provode resorna ministarstva, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

(3) Javni oglas za imenovanje predsjednika i članova Skupština KJP raspisuju resorna ministarstva, u roku od 15 dana od dana donošenja odluka iz stava 2. ovog člana.

#### Član 5.

(Rok za imenovanje)

Rok za imenovanje predsjednika i članova Skupština KJP je 90 dana od dana stupanja na snagu ove Odluke.

#### Član 6.

(Rok za donošenje Poslovnika o radu)

Skupština KJP dužna je u roku od 15 dana od dana imenovanja usvojiti Poslovnik o radu Skupštine.

#### Član 7.

(Razrješenje predsjednika i članova Skupština KJP)

Razrješenje predsjednika i članova Skupština KJP vrši se na način propisan u članu 3. ove Odluke, a proceduru razrješenja mogu pokrenuti resorni ministar, Vlada Kantona Sarajevo i Skupština Kantona Sarajevo.

#### Član 8.

(Broj članova nadzornih odbora KJP)

Nadzorni odbori KJP imaju predsjednika i dva člana, koji će se imenovati nakon isteka mandata sadašnjih predsjednika i članova nadzornih odbora.

#### Član 9.

(Prestanak važenja odredaba osnivačkih akata i rok za usklađivanje)

(1) Stupanjem na snagu ove Odluke prestaju da važe odredbe osnivačkih akata KJP iz člana 1. Odluke, koje su u suprotnosti s ovom Odlukom.



(2) Osnivački akti KJP, statuti i druga opća akta uskladiće se sa odredbama ove Odluke u roku od 30 dana od njenog stupanja na snagu.

Član 10.

(Imenovanje vršilaca dužnosti predsjednika i članova skupština KJP)

Do konačnog imenovanja skupština KJP, Skupština Kantona Sarajevo imenuje vršioce dužnosti predsjednika i članova skupština KJP, na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

Član 11.

(Stupanje na snagu)

Ova Odluka stupa na snagu danom donošenja, a u objavit će se u "Službenim novinama Kantona Sarajevo".

---

Broj 01-05-23450/09  
3. septembra 2009. godine  
Sarajevo

---

Predsjedavajući  
Skupštine Kantona Sarajevo  
Dr. Denis Zvizdić, s. r.